

重修大名府誌叙



郡國之有誌也所以彰往示來
爲圖治龜鑑也誌之貴乎重修
也蓋陵谷有變遷時勢有輕重
風俗有汙隆不得以一轍概也

重修大名府志叙

得失誠哉非一轍也至於誌宦
蹟則仕其地者思賢誌人物則
生長其地者思奮誌節孝則婦
人女子布衣閭巷之徒皆可以
垂不朽不又爲世道所重賴哉

余郡誌續修于明萬曆癸未迄
今計八十餘年雖我

朝定鼎傳檄安撫不大事更張而
前此辛巳之灾祲癸甲之寇禍
亦宇內戡亂興治之一會也烏

重修大名府志叙

三

容以無述况乎宦蹟人物節孝
之彰彰在人耳目者乎失今不
紀將懼湮滅司馬遷曰滅功臣
世家賢士大夫之業不載罪莫
大焉是甚矣修誌之不可緩也

雖然難言之矣按舊誌前百餘
年中凡三議纂修皆荒畧未備
後又歷一甲子稍稍續補惟明
世宗三十七年所刻者稱徵信
全書蓋其時鹿門茅公以廣平

重修大名府志叙

四

倅受臺檄任誌事未旬月有部
署之命事遂寢後八年復來秉
憲衆謂必可續舉居無何又謝
去迨十餘年後郡別駕潘公力
肩纂定之責而誌乃成夫茅公

兩手其書兩官其地而不能告
成卽潘公者非天之合其官與
地助之以機緣假之以歲月則
亦不得成甚矣紀載之難也迺
今則異是設局延儒網羅而折

衷之以期月之功而譜百餘年
來之事缺者補譌者正又何其
易昔人之難而成之速也蓋
中丞金公以從龍名世文武爲
憲提衡于上而觀察孔公尼山

後裔氣節文章之彥郡伯周公
江東髦俊博物洽聞偕二三君
子留思著述故能相與有成也
或謂自古良史無如遷固遷之
未竟不能不補於褚固之未竟

重修大名府志叙

六

不能無待於昭以今况昔無力
逕庭然設以遷固而當補亡則
事半功倍無足恠者余家世史
臣近蒙

恩休沐朝常國典謬膺纂修往行

前言尤懷桑梓庶幾託識小以
無忘土風今幸矣斯誌修而官
蹟人物節孝之寔蓋燦然大備
矣且由是而封守者知險則慎
固之道得設官者知宜則沿革

重修大名府志叙

七

之制精司牧者知教則轉移之
權尊圖治龜鑑雖百世不能外
也余所爲樂觀其成也若夫誌
藝文諸篇直緒餘耳故特揭其
重者以著之簡端


大清康熙十一年秋七月

光祿大夫少傅兼太子太傅戶
部尚書加一級

保和殿大學士郡人成克鞏撰

重修大名府志叙

八



重脩大名府志序

郡邑之有志名曰地志實則史也周官外史掌四方之志小史掌邦國之志故列國皆有史晉乘楚檇杌魯春秋是已後世作之于朝廷者曰史于四方者曰志法雖與史異而一郡一州邑之天文

重脩大名府志序

九

部一

地理土風物產沿革建置人物宦蹟食貨兵防祠祀文苑靡不具備卽志也固舉史家之全體而有之江淹以爲脩史之難無出于志鄭樵亦云志憲章之所係必老于典故然後能爲誠重之也吾郡負山阻河爲

王畿股肱地視古侯國法宜有志一修于
上海潘公卽茅鹿門先生所草創者再
修于膠東趙公迄今八十有餘年沒滅
變遷觀者無所考鏡識者病之會

中丞金公誕敷文教脩舉典章號稱明
備憲使山左孔公來觀察是地奉檄纂
重修大名府志序

十

部二

修郡大夫吳江周公毅然引爲已任乃
檄州邑廣咨博詢畧備掌故而授簡于
余余謝不敏不獲乃以辛亥八月旣望
偕東明袁國學採輯舊文之所校讐入
局受事閱三月告成乃憮然而嘆曰志
之難真異於史哉史職有專官古者蘭

臺石室以御史中丞領之兼攝糾繩故以君卿大夫之威靈執簡者得以議其後而志然乎哉龍門扶風率世守其職家有圖籍秘記又歷遊名山大川以網羅放佚遠或百年近或數十年而後勒成一代之書而志然乎哉史之取材率

重修大名府志序

第三

本石渠天祿所藏及四方陳貢公車所上章文詞雅馴操觚家潤色成文故擇焉而精語焉而詳而志然乎哉議論不一則撓于掣肘程效太急則病于掛漏徵材不廣則裁制難施故實靡究則衡鑒易淆所以繁則複簡則遺徇人則曲

專已則愚矜名則失實溢美則近諛有
一于此不足以示遠而存信故曰志之
難也郡志之不作久矣又值滄桑變易
老成凋謝之餘余乃捃拾舊文叅以所
見所傳聞能無十一千百之感然不敢
繁不敢簡也不敢徇不敢專也不淆于
重修大名府志序

十二

序而其理順也不侈于文而其體質也
不怵貴盛不比親暱而是非之論定也
書其美則惡者懲書其得則失者彰而
勸戒之義著也故首地里風土別矣次
星野天文著矣次沿革興舉可覩矣次
年紀祥異可攷矣次景物觀覽有資矣

次風俗方物民情見矣次田賦徭役秩
祀兵防官政具矣次職官甲科人材可
稽矣次宦業人物興感可風矣終之藝
文古今之制作備矣若是者志之義亦
史之義歟顧予謏劣則何能爲竊有志
而未逮焉耳左右襄予者則袁子力也
重修大名府志序

三

獨是郡守周公爲政之餘留意文獻振
舉百年墜典厥績甚鉅尤難泯焉集成
凡三十二卷新增者編附舊志之後以
便觀覽云爾

康熙壬子夏五月

賜進士出身奉政大夫奉

勅提督湖廣全省學政提刑按察司僉事

郡人郜煥元撰



重修大名府志序

十四

六

重修大名府志姓氏

總裁

撫憲等處左都御史等關兼理糧餉都察院右副都御史金世德
直隸守道督理錢穀河南按察司副使丁思孔
直隸巡道糧運通判名驛傳事務山東按察司副使董秉忠
參政等處兼管河道糧餉御史監清糧傳河南按察司參政孔胤樾
纂修

大名府知府周邦彬

提督湖廣學政按察司僉事長垣部煥元

大名府志姓氏

拔貢生東明袁佑

叅訂

清軍同知戴其貞

捕河通判丁璟

糧馬通判興永隆

開州知州孫榮

元城縣知縣陳偉

大名縣知縣顧成泰

魏縣知縣毛天麒

南樂縣知縣方元啟

清豐縣知縣葉雷生

內黃縣知縣楊輝斗

濬縣知縣劉德新

滑縣知縣陳啟潛

東明縣知縣楊日升

長垣縣知縣宗琮

鑒定

少傅兼太子太傅戶部尚書加級保和殿大學士成克鞏

大名府志

姓氏

較閭

太常寺正卿錢綬

刑部山西清吏司主事劉元徵

候選進士孫郁

候選進士張鴻儀

候選進士陳孚

候選進士黃任

候選進士劉元福

候選進士黃之典

候選治中成光

正字

府學教授李可柱

元城縣教諭康莊

大名縣教諭王逢五

采輯

生員大名楊我德府學馬秉德

開州王錫周開州席珍

元城朱泰來元城劉元楨

大名府志

姓氏

三

南魏若澹清侯璘

東董珩東梁秀

長王牲然內周丕顯

內樊之屏垣長趙裔昌

滑縣張之政滑縣劉之翰

滑縣閻祉

大名府志舊序

昔孔子懷東周之志必修春秋載行事是何其篤於信古而不自用耶蓋述往所以鏡來而得失之林鑒戒係焉固不徒托之空言已也大名古魏郡冀堯二州分域自帝項肇都古朴無文其俗沕穆降而殷末以奢澠促數風斯靡矣沿秦漢唐宋以來俱中葉不造干戈相尋叛臣逆鎮鼠穴其中不可僕數粵至明初群氛始靖更見昇平之盛蓋其由來也有漸而早見亟反豈大名府志舊序

其無以尸之哉晴山李守宿儲詞林讀秘書於古史理亂之原罔不研核茲知大名事復以郡志請兩臺葵山鄭中丞省吾姜巡察松里馬督學暨二谷侯憲副推天泉潘君續次寧非心孔子之心而欲見之行事矣乎天泉故太史編摩有年以國史所得者載之郡史而又發縉紳家藏檢諸曹故牘及殘碑斷碣散落未湮者搜括殆盡乃次爲圖說爲紀爲志爲譜爲傳凡二十有八卷蓋事極鴻纖理通幽渺而綜核今昔的